

ОЛНА МАЛИГ ЭЛВГ КҮРХ ХОТАР, ДУЛАН, У ХАШАГЪАР ТЕТГХМН



Үкр болгънд 10 тонн силос

Яшалтинск района „Новый мир“ колхоз джил ирвас ус гаргългъна кӧдлмшӧн улм ясерулад йовна.

1956 джил цуг саалин үкр-мүдӧсн 995 тонн ус саадж ав-смн. 100 гектар газрин тоод 36 центнер ус авсмн.

Бод малин тоогъинь ӧсгдж, тер дотр үкрмүдин тохминь ясерулдж, ус икӧр саадж ав-хин тӧлӧ килмджӧн ӧгч бӧӧц-хӧнӧ. Сүл джилмудт эн кол-хоз, үкрмүд бӧӧх гурви хаша, дакад тугълмуд бӧрх гер тос-хсмн. Малин идг ясерулхин кергт колхоз олн зүсн тӧрмр ӧвс ургъадж, малд, тер дотр саалин үкрмүдт цӧврүлӧд ӧгч кӧк ӧвсӧр тетгдж малан асри-хана.

Им асрмджин ашд долан са-рин эргцд цуг үкрмүдӧсн 874 тонн ус саадж авч. Омн нүүрт йовх фермсӧр болхла январь сарас авн июль сар күртл үкр болгънас 1500 литр ус саадж авцхадж. Иваничева А., Ше-фер Р. болн нань чиги сааль-чнр үкр болгънас дундлад 1800—2000 литр ус саадж ав-цхав.

1956 джил 3463 тонн силос

дарсен болхла, эн джил энүнас икӧр эрдни-шишӧгъӧр кесн силос дархмн. Эн джил эрдни-шишӧ 1100 гектар газрт тӧргд-смн. Тӧрӧ хуралгъна кӧдлмш дуусм цацу Сладковск МТС-н механизатормуд эрдни-шишӧ хадж, силос дардж йовцха-на. Эн кӧдлмшт 9 комбайн, 20 машин кӧдлджӧнӧ. Ода эрд-ни-шишӧ хадал, 5200 тонн си-лос дарчкесн бӧӧнӧ. Тегӧд тоо-лал хӧлӧхлӧ, үкр-болгънд 10 тонн силос дарсен болдж гарна.

Эрдни-шишӧгъӧс талдан 500 гектар суданка гилг тӧрмр ӧвс, хар гуӧр кӧкӧр малд ӧгхӧр тӧрсмн. Тегӧд эн тӧрмр идгт зунн цагла иддж, сӧӧнӧр тар-гълдж, ик ус гаргълг бол-джана, Эн джил 100 гектар газр болгъна тоод 50 центнер ус саадж авхмн. Цуг саалин үкрмүдӧс 1300 тонн усн саадж авгдхмн.

Эрдни-шишӧ хуралгъна кӧд-лмшт комбайнермүд Баранов, Ведерман Л., тракторист Бор-магненко И., шофермүд Него-вора И., Мирошниченко болн нань чиги улс нүүрт йовдж, ӧдрӧ кех кӧдлмшин кемджӧ-гъӧн давулдж кӧцӧддж йовцхав.

Хӧд бӧӧх үвлзньгин ӧбр 40—50 гектар хар гуӧр болн намрар тӧрдг цагъан гуӧр тӧрсн — хӧӧдт кӧк сӧн идг болхмн.

Терещенкон гарлджах 4-ч бригад солом хуралгъна кӧдл-мшинг тӧгсгӧчкв. Малд хот бел-дхин кӧдлмшт мал хӧлӧддж, асрлджах улс бас ард үлдджӧ-хмн уга. Эдн эврӧннь чидлӧрн 5 миньгън центнер малин хот мал үвлзх газрур зӧӧлж ху-раси бӧӧнӧ. Пеккер А. гарл-джах 4-ч номертӧ МТФ-н мал-чир үвлин цагт кӧрх хот-хоо-лас 70 процентинь малин үвлз-ньгүр зӧӧгъӧд хурачкесн бӧӧнӧ.

Хар газр тал 3,5 миньгън толгъа хӧн үвлзхмн. Эн хӧӧдт 2 миньгън центнер ӧвс хадал хурачкдж. Одахи, дакад цаа-ранднь ӧвснӧ хадлгъинг кехин тӧлӧ эн колхоз 20 кү тнигӧ-лӧн йовулв. Эн бригадиг кол-хозин парторганизацин сег-лӧтр гарлдж йовна.

Ӗбрлдж йовх үвлиг „Новый мир“ гилг колхоз мал үвлзүл-дгъинӧ кӧдлмшинг эртӧснь кедж, тӧгсгӧдж тосджана.

В. ДЕМЬЯНОВСКИЙ.